

17 NOV, 2022

UMS wujud empat kluster penyelidikan



Utusan Borneo Sabah, Malaysia

Page 1 of 2

UMS wujud empat kluster penyelidikan

Untuk mendepani cabaran IR4.0 dan perubahan geopolitik serantau

KOTA KINABALU: Bagi mendepani cabaran Revolusi Industri 4.0 (IR4.0) dan perubahan geopolitik serantau, Universiti Malaysia Sabah (UMS) telah memperkuatkannya ekosistem penyelidikan dengan mewujudkan empat kluster penyelidikan.

Naib Canselor UMS, Profesor Datuk Dr Kasim Mansor berkata empat kluster tersebut adalah kluster Sains Hayat atau Biologikal, Sains Fizikal, Sains Sosial dan Sains Perubatan, dengan setiap kluster mempunyai institut dan pusat yang berkeupayaan untuk mengeluarkan hasilan penyelidikan yang bermutu.

"Perwujudan kluster ini menyediakan mekanisme yang fleksibel, membolehkan penyelidikan rentas sempadan dalaman dan luaran institut.

"Bagi menyokong kluster-kluster ini, UMS setakat ini mempunyai 6 pusat penyelidikan dan 7 unit penyelidikan yang telah dibangunkan bagi merancakkan lagi aktiviti penyelidikan dan inovasi UMS," katanya.

Beliau berkata demikian ketika berucap pada Majlis Anugerah Penyelidik UMS (APUMS) Tahun 2021 di Sabah International Convention Centre (SICC) malam kelmarin.

Menurut Kasim, UMS juga telah membangunkan makmal hidup atau "living lab" untuk penyelidikan berteraskan komuniti.

"Ini termasuklah bidang sosioekonomi luar bandar, teknologi berinovasi, kesihatan, dan pendidikan, dengan kesemua bidang ini diberi tumpuan untuk membawa ke arah inisiatif komuniti berinovasi, selaras dengan era revolusi IR4.0 kini," katanya.

Dalam pada itu, Kasim berkata majlis APUMS 2021 adalah manifestasi pengurusan universiti dalam memberikan pengiktirafan dan penghargaan kepada kreditan akademik yang telah menjalankan penyelidikan berkualiti dan mengharumkan nama universiti di persada kebangsaan dan antarabangsa.



ALBUM: Penerima anugerah merakamkan gambar bersama Tun Juhar sempena majlis itu.



TAHNIAH: Tun Juhar menyampaikan Anugerah Penyelidik 2021 kepada Prof. Madya Dr. Patricia Clementina Matanjun.



TERBAIK: Kasim turut menerima pengiktirafan sebagai penerima Anugerah Khas Tun Canselor UMS 2021.



17 NOV, 2022

UMS wujud empat kluster penyelidikan

Utusan Borneo Sabah, Malaysia



Page 2 of 2

SUMMARIES

Untuk mendepani cabaran IR4.0 dan perubahan geopolitik serantau

KOTA KINABALU: Bagi mendepani cabaran Revolusi Industri 4.0 (IR4.0) dan perubahan geopolitik serantau, Universiti Malaysia Sabah (UMS) telah memperkuatkukan hikmah ekosistem penyelidikan dengan mewujudkan empat kluster penyelidikan.